

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON**

**O IZMJENAMA ZAKONA O UTVRĐIVANJU I NAČINU IZMIRENJA  
UNUTRAŠNJIH OBAVEZA FEDERACIJE BOSNE I HERCEGOVINE**

**Sarajevo, novembar 2013. godine**

## **ZAKON**

### **O IZMJENAMA ZAKONA O UTVRĐIVANJU I NAČINU IZMIRENJA UNUTRAŠNJIH OBAVEZA FEDERACIJE BOSNE I HERCEGOVINE**

#### **Član 1.**

U Zakonu o utvrđivanju i načinu izmirenja unutrašnjih obaveza Federacije Bosne i Hercegovine ("Službene novine Federacije BiH", br. 66/04, 49/05, 35/06, 31/08, 32/09, 65/09 i 42/11) član 21a., briše se.

#### **Član 2.**

Glava IIIa - KAZNENE ODREDBE i član 25a. brišu se.

#### **Član 3.**

Ovaj Zakon stupa na snagu narednog dana od dana objavljivanja u "Službenim novinama Federacije BiH".

## **OBRAZLOŽENJE**

### **PRIJEDLOGA ZAKONA O IZMJENAMA ZAKONA O UTVRĐIVANJU I NAČINU IZMIRENJA UNUTRAŠNJIH OBAVEZA FEDERACIJE BOSNE I HERCEGOVINE**

#### **I. USTAVNI OSNOV**

Ustavni osnov za donošenje Zakona o izmjeni Zakona o utvrđivanju i načinu izmirenja unutrašnjih obaveza Federacije BiH ("Službene novine Federacije BiH", br. 66/04, 49/05, 35/06, 31/08, 32/09, 65/09 i 42/1, u daljem tekstu: Zakon) sadržan je u članu III.1. tačka c) izmijenjen amandmanima VIII, LXXXIX i CVI i članu IV.A.20.(1) j) Ustava Federacije BiH, prema kojima je u izričitoj nadležnosti Federacije BiH donošenje propisa o finansijama i finansijskim institucijama Federacije i fiskalna politika Federacije, a Parlament Federacije BiH, uz ostale nadležnosti predviđene Ustavom, odgovoran je za donošenje zakona kojima se razrezuje porez ili na drugi način osigurava potrebno finansiranje.

#### **II. RAZLOZI ZA DONOŠENJE**

Odredba člana 21.a. Zakona, propisuje da su pravna lica na čije ime je izvršena emisija obveznica za ratne tražbine, a koja imaju neizmirene obaveze prema zaposlenicima, fondu penzijskog osiguranja i fondu zdravstvenog osiguranja nastale do dana stupanja na snagu ovog Zakona, uključujući i obaveze po sporazumima o odgođenom plaćanju tih obaveza, dužne prioriteto izmiriti te obaveze za isti period sredstvima dobijenim prometom obveznica za ratne tražbine ili sredstvima po dospelosti kamata ili glavnice po osnovu tih obveznica. Isti ne mogu raspolagati obveznicama za ratne tražbine do visine neizmirenih obaveza koje su navedene, sve dok u cijelosti ne izmire te obaveze.

Odredba navedenog člana u suprotnosti je s odredbom člana 2. Zakona o Poreznoj upravi Federacije BiH („Službene novine Federacije BiH“, br.: 33/02, 28/04, 57/09 i 40/10) koja kaže da u pogledu prinudne naplate poreznih obaveza kao i kod obračuna i naplate kamata, a koje su drugačije uređene drugim zakonima u Federaciji, isti ima prioritet nad drugim odredbama u navedenoj oblasti.

#### **III. OBRAZLOŽENJE PREDLOŽENIH IZMJENA**

Članom 1. briše se član 21 a.

Dosadašnja odredba člana 21a. je nedovoljno jasna i u koliziji je sa Zakonom o Poreznoj upravi Federacije BiH. U praksi onemogućava pravnim licima promet obveznica do visine neizmirenih obaveza prema zaposlenicima, fondu penzijskog osiguranja i fondovima zdravstvenog osiguranja nastalih do dana stupanja na snagu ovog Zakona, uključujući i obaveze po sporazumima o odgođenom plaćanju tih obaveza.

Odredbama Zakona o utvrđivanju i načinu izmirenja unutrašnjih obaveza Federacije BiH („Službene novine FBiH, br.: 66/04, 49/05, 35/06, 31/08, 32/09, 65/09 i 42/11“) određeno je izmirivanje verificiranih obaveza po osnovu ratnih tražbina putem izdavanja obveznica. Na osnovu toga, Vlada Federacije BiH donijela je Odluku o

emisiji obveznica Federacije Bosne i Hercegovine po osnovu ratnih tražbina fizičkih i pravnih lica ("Službene novine Federacije BiH", broj: 47/09 - u daljem tekstu: Odluka I.) i Odluku o emisiji druge tranše obveznica Federacije Bosne i Hercegovine po osnovu ratnih tražbina fizičkih i pravnih lica ("Službene novine Federacije BiH", broj: 56/11 - u daljem tekstu: Odluka II.) kojom je regulisala izmirenje obaveza Federacije po osnovu ratnih tražbina.

Rok dospjeća obveznica je 14. godina, odnosno po Odluci I. do 30. 6. 2023. godine, po Odluci II. do 30. 6. 2025. godine, s kamatnom stopom od 2,5%. Grace period je devet godina, s tim da će se u grace periodu isplaćivati kamata obračunata na ukupan iznos glavnice. Po isteku grace perioda, po Odluci I. od 30. 6. 2019. godine, po Odluci II. od 30. 6. 2021. godine, vlasnik obveznica ima pravo na dio glavnice i pripadajući dio kamate obračunat na preostali dio glavnice.

S obzirom da je kamatna stopa od 2,5% niska, te samim tim prihodi od kamata koji se godišnje isplaćuju nisu dovoljni za uplatu navedenih neizmirenih obaveza, a rok dospjeća glavnice je dug (od devet do četrnaest godina), posljedica je da sporni član 21a. onemogućava pravnim licima da raspoložu obveznicama, a samim tim i izmire obaveze iz spornog člana.

Članom 2. briše se glava III a - KAZNENE ODREDBE (član 25a.) koji se odnosi na nepostupanje po članu 21a.

Članom 3. propisuje se stupanje na snagu Zakona o izmjeni Zakona.

**- ODREDBE ZAKONA KOJE SE MIJENJAJU -**

**ZAKON  
O UTVRĐIVANJU I NAČINU IZMIRENJA UNUTRAŠNJIH OBAVEZA  
FEDERACIJE BOSNE I HERCEGOVINE  
(“Službene novine Federacije BiH”, br. 65/09)**

**Član 21a.**

Pravna lica na čije ime je izvršeno izdavanje obveznica za ratne tražbine, a koje imaju neizmirene obaveze prema zaposlenicima, fondu penzijskog osiguranja i fondovima zdravstvenog osiguranja nastale do dana stupanja na snagu ovog Zakona, uključujući i obaveze po sporazumima o odgođenom plaćanju tih obaveza, dužna su prioriteto izmiriti te obaveze za isti period sredstvima dobijenim prometom obveznica za ratne tražbine ili sredstvima po dospelosti kamata ili glavnice po osnovu tih obveznica.

Lica iz stava 1. ne mogu raspolagati obveznicama za ratne tražbine do visine neizmirenih obaveza iz stava 1., sve dok u cijelosti ne izmire te obaveze.

**III. a - KAZNENE ODREDBE**

**Član 25a.**

Lica iz člana 21a. koja postupe protivno odredbama tog člana, kaznit će se za prekršaj novčanom kaznom u iznosu od 3.000,00 KM do 15.000,00 KM.

